

水經注疏要刪卷十二

宜都楊守敬撰

聖水

注東逕桃仁墟北或曰因水以名墟則是桃水也或曰終仁之故居非桃水也 謂終爲是

右三

酈氏蓋述兩說一就桃字爲說謂之桃水一就仁字爲說謂是終仁而非桃水故下文引漢志辨桃水上承涑水當爲終仁之故居非桃水也趙戴改桃水爲桃仁失酈意矣 謂終爲是終下脫仁字注桃水又東逕涿縣故城北

左三

熊會貞曰按涿縣自漢至北魏未廢各地志皆云

要刪卷十二

一 聖水

卽今之涿州治而此注言故城似有移徙考地形志涿有涿城是縣有移徙審矣

注王莽更名垣翰

左三

此是酈氏誤以涿郡下之文記於縣下漢志武垣莽曰垣翰亭無緣涿縣亦同此名趙說亦非

注晉太始元年改曰范陽郡

左三

寰宇記魏黃初七年改涿郡爲范陽郡則非至晉始改然以魏志曹矩傳考之黃初五年封范陽王七年徙封句陽似改郡當在黃初五年

注東逕垣縣故城北史記音義曰河間有武垣縣涿

有垣縣

右四

史記趙世家趙孝成王七年武垣令傳豹徐廣曰河間有武垣縣本屬涿郡是徐廣特以武垣初屬涿郡後度河間不云涿別有垣縣此注河間有武垣涿有垣縣則明明以爲兩縣與徐廣說不相應然寰宇記謂武垣在河間西南四十里此良鄉之垣水安能逕之疑秦漢之垣縣其地本在涿至後漢乃移於河間也故酈氏抄變徐廣文而云涿有垣縣一統志因謂涿州北有垣城

注左合婁城水 右注白祀水

右五

要刪卷十二

二

聖水

熊會貞曰婁城水以婁城得名其水必近婁城白祀溝既出婁城東則婁城水在白祀溝之西當云右合婁城水若左合是婁城水在白祀之東與婁城隔矣於命名之義不合注文左右二字當互易注王肅曰今涿郡方城縣有韓侯城

右五

此說王伯厚困學紀聞取之然奕奕梁山維禹甸之此本禹貢治梁及岐之義若在涿郡恐不得云維禹甸之也漢志東郡燕縣南燕國姑姓黃帝之後詩云韓媯於事理尤合此則去關中之韓差近巨馬水

注涑水東逕徐城北出焉

右七

熊會貞曰出焉上脫桃水二字聖水注桃水首受涑水於徐城東南良鄉西分垣水世謂之南沙溝卽此水也趙氏增沙溝二字似是然下句言世謂之沙溝水則此句不得先言沙溝也戴增故瀆二字以爲指下文涑水故瀆不知所云故瀆者卽指逕徐城之涑水以此水旣分爲桃水又分爲督亢溝故其細流可云水盛則長津宏注水耗則通波潛伏也

注河卽濡水也蓋互以明會矣

左九

要刪卷十二

三 巨馬水

熊會貞曰滹水篇濡水與滹沱滹易互舉通稱故以爲河卽濡水又道元云博水入滹復引漢志博水入河亦其例也